



薇省詞鈔卷第七

臨桂 況周儀

蕤筆

撰錄

李彥章 二首

吳嵩梁 五首

强望泰 七首

汪全泰 四首

張祥河 十一首

陳鴻墀 一首

潘曾沂 二首

龔鞏祚 十二首

彭蘊章 四首

吳葆晉 十首

蘇孟暘 一首

宗稷辰 一首

端木國瑚 一首

孫慧惇 一首

李彥章蘭卿榕園詞

彥章福建侯官人嘉慶十六年由進士到閣官至

山東鹽運使

李宜麟 謨行狀辛未府君年十八殿試二甲以中書用時大興翁覃溪先生名德碩學主持風雅

薇七

一

府君以所學贊歲時請益所能益精復借謝蘊山吳蘭雪陳石上梁芷林劉芙初謝向亭顧南雅程春海諸先生論文賦詩听夕相切磨嘗賦秋雪四首都下騷流傳觀屬和比諸漁洋秋柳之作假歸成婚國朝登弟後授室者深水相公倉山太史洎府君而三有薇垣歸娶圖名公鉅儒題詠殆偏子夜歌 題葉小庚司馬本事詞

算從來悲懽恩怨值得魂銷幾許總只為傷春傷別暗

逗琴心箏語天上雙鬟人閒三影誰是鍾情侶賴篇篇

密寫珍珠似種東風紅豆盡相思句 當時向旗亭書

壁也憶單詞同賦元注辛未夏同在京師曾有落花詞調唱釵鼓瓢笙蠻雲

遍月一樣低徊處又挑燈顧曲舊唸問尙存否遂裏摹

聲尊前評均都入新修譜更消閒自采閩音殷勤添補

醉蓬萊

上巳日石畫閣集同人修禊讀葉少蘊石林詞有楚州上巳日襄許下西湖之作因憶榕園禊事悵然有襄乃依均倚聲寄思郡諸學子竝題榕園修禊圖後

吟人生游跡多似飛花隨風來去暗惜流光怪春如行旅獨上高樓一半寒陰是四山欲雨無限關心名園畫裏當時醺語 還憶雙江頻過三月小舫窠尊落英墜

絮修禊亭邊賸踏青題處新綠多情年年依舊綠到浮

梁浦載酒侯芭也應憶我曾同聯句榕園隔江畫屏山之丁亥戊子兩度修禊題名嘗作亭山中又於江上互

石鑿成窠尊貯酒

吳嵩梁蘭雪香蘇山館詞

嵩梁江西東鄉人嘉慶十九年由舉人到閣後官

薇七

二

貴州黔西州知州

葉紹本香蘇山館詩序蘭雪與海內賢豪定交其名益盛願屢蹟春闈乃以博士改官中書

姚瑩今逾六十曾不得一行沈志

姚元之竹葉亭禠記琉球國遣官生入監讀書自

康熙二十二年部議准行無年限每逢冊封之年

請於使臣回京代奏其來也四人率以四年而歸

歸其國則授四品官嘉慶十四年己未還過蘭雪

時以博士教之頗聰穎十四年己未還過蘭雪

蔣別駕第護送之其子弟有贈蔣詩者有詩草即

今傳海國筆花何止屬江郎之句工秀可誦蘭雪

衣鉢傳之海外矣後蘭雪為候補中書嘗作詩云

靈芬館詞話吾友吳蘭雪詩筆清華一時罕儷聞

甚工為詞然未之見樂蓮裳耳食錄中見其策外

桃花紅奈何春風吹又多之句金莖之亞也

賣花聲 李雲門中允席子淵陳石上兩編修集譚

蘭楣郎中聽茶館度曲綠姬同珊珊女史

隔簾按譜詞以紀之

見聽香館叢錄

疏雨斷斜陽庭院生香新聲字字合宮商吹得花陰都似水玉笛微涼雲樹漸昏黃月上東廊畫簾隱約兩紅妝認得弓鞋同點拍悄按霓裳

墨章 暗香

梅影詞二闕有小序

蕊景 露華

午溪館有白梅二株黃梅綠萼梅各一株庚花時已不及見矣比至京師吾女小茶出所

幽芬 露月

藏畫扇乞題人影花魂再冉欲出率成絕句一首意殊未盡復製此曲以紓余哀云爾

空山薄暝記水邊幾樹早梅低映禁凍看花有箇人人怯新病花信東風未準先瘦殺枝枝花影畫遍了雪色衣裳疏密總宜稱 僥倖清夢永偏綠鳳嬌呢一霎驚

薇七

三

醒淒淒冷冷雪沒煙蘿舊行徑真算來生修到怕墜歡也難追省只有那時明月還堪指證

空山 疏影

空山疏影

幽花豔月正賞心佳夕猛然淒絕照水籠煙似卽還離恐是驚魂飄瞥冰綃虧得留真影想自寫平生修潔贖墨痕黯澹無多化了一梢香雪 猶憶琉璃匣畔倩儂呵凍筆勻黛初活幾度商量點藥圈花只要半開時節早知玉笛吹先落悔不遶南枝千匝待喚回夢綠仙人莫更等閒輕別

案聽香館叢錄蘭雪悼亡姬綠春之作詞僅四闕香蘇山館詞借未見

竹葉亭禱記同年吳中翰蘭雪嵩梁舊官國子博
 士善詩有姬名綠春姓岳氏山西文水縣人也善
 墨蘭余丁卯夏避雨蘭雪齋中蘭雪命姬出見對
 客揮毫天然韶秀姬年十五歸吳十九而天蘭雪
 傷之姬生時最喜梅花有梅將花蕾曰梅不但花
 可愛影亦可愛也及花開而姬將蘭雪乃作梅影
 詩臨水柴門久不開寒香寞寞委荒苔獨憐一樹
 梅花影會上仙人綺袂來蘭雪時有母喪姬亦服
 素詩具一往情深之概法時龔學士讀之曰可稱
 梅影中書歲辛巳余使濟陽歲懷人詩有瞻蘭
 雪一首卽用此稱詩云清思都在飲茶初蘭雪善
 飲茶今日詩家合讓渠欲識蓮花舊博士卽今梅
 影老中書
 聽秋聲館詞話嘉應吳石華修題吳蘭雪悼公
 姬岳綠春聽香館叢錄疏影云二分細膩三分怨
 總未許檀奴看飽蘭雪納姬時方以國博改中翰
 有人戲以詩云逢人勉強稱前輩對妾殷勤學少
 年證以未許檀奴看飽句令人欲笑
 浪淘沙 題徐園齋蘭影園 見詞綜補

薇七

花氣雪肌膚豔影難摹月明潮暗記曾無舊日歌喉今
 日泪都是珍珠 小病費支吾夢也模糊慳慳酒半又
 茶初一夕秋荷紅盡脫瘦了西湖

菩薩蠻

題郭頻伽盟鷗圖

一江秋水銷魂碧垂楊疏夢都蕭瑟新句得來遲白鷗
 先已知 石溪西畔路是我尋盟處夢裏昨還家扁舟

搖落花

望望秦

望望陝西韓城人嘉慶二十四年由庶吉士散館
 到閣官四川重慶府知府

王先謙續東華錄嘉慶朝二十四年己卯閏四月
戊戌

上諭本年庶吉士散館考列三等者均歸原班銓選
內強望泰一員系強克捷之子趙榮一員系趙文哲
之孫強克捷前于滑縣殉難趙文哲前于木果木軍
務陣亡均系沒于王事朕優恤忠良後嗣特加恩將
強望泰趙榮俱用內閣中書俾得仍列清班該二員
其各勤慎供職勉勵進階欽此

十算子

吟紅館屬題畫蘭障子

春老簾櫳靜曉夢風吹醒香裊圍屏六角山碎砌蘅蕪

餅淺淺菱波暈翦翦銖衣冷天際珧華想象閒一抹

湘雲影

汪全泰竹素

全泰江蘇儀徵人嘉慶二十四年由舉人到閣官

被七

五

至山東候補知府

張祥河關隴輿中偶憶編揚州汪大竹比部全泰
題余填詞圖云歎蹤跡荒涼薛氏琵琶霍家鸚鵡
其弟小竹觀察全德題余詩於圖一水去疑天上
坐雙橋來是鏡中看兩君素交卅年今皆作古竹
西歌吹增慨黃墟

憶舊遊

題潘星齋鸚鵡簾櫳詞

見潘會瑩鸚

憶尊前故事花外新詞重見風流杏葉疏櫳底想烏絲

印匣小硯銀鈎定有翠鬟吟侶能譜玉京秋恐減字偷

聲含情欲說鸚鵡前頭孤舟記曾聽聽隴鳥嘯煙晚

泊交州紅稻西風裏照淒涼詞句一點燈篝怕說小鸞

歸路芳草徧江洲問別恨深深湘簾綠斷休未休

水調歌頭

題陳登之罷讀圖樓集刻贈言

見陳延恩罷讀

識字生憂患，蚪蚪作人師。都水枕中鴻寶，獄吏害其奇。可惜韓非論說，忽歎龐涓記誦，萬卷亦何爲。須學沈麟士，拉襍火燒之。君去矣，載圖籍，秣而馳。儻與弦唐塗，遇張目定相嗤。我記積書巖路，今日河源西畔，羌鬼或能知。若欲神仙者，震澤有龍威。

史令許惇睡，經是柳津魔。書記姓名而已，墨定使人磨。畫諾眼看屋角，數典口談伏獵軒，蓋頗嗟。誰舉張吳輩，沈跡下僚科。吾與若卜式耳，故蹉跎。一笑鴻都尺籍，崔烈勝人多。縱說臨平岸，鼓能道甄邯夢斗，奈此禮

蔽七

六

錢何三篋書，後鐵撻少摩挲。

前調

題黃右原憶潮圖

見黃爽端綺集

百尺越樓底，大海碧迢迢。曾聞老僧舊句，門對浙江潮。我在富陽城上，東望萬千餘里，風電下清霄。今日夢魂裏，鯨鰐尙颯颯。若年少，裏故里，甚牢騷。自言家居大滌石屋洞天，高試問樓船瓜步，何故秋聲八月不看廣陵濤。與爾乘桴去，窮島避人曹。

張祥河詩舫小重山房詞初稿詩舫詞錄

祥河原名公璠，江蘇婁縣人。嘉慶二十五年由進士到閣，官至工部尚書，謚溫平。

關隴輿中偶憶編余官中書在內閣謨文上以
養正集頌賜大臣謨公謝摺有賀由天錫蒙為聖
功一聯為韓桂齡大寇對所激賞余詞宗姜張
極為姚姬傳先生彌所稱樊榭山人論詞絕句
欲呼南渡諸公起均本重雕茶斐軒注云會見紹
興二年刊茶斐軒詞林要均余嘗欲取兩宋詞人
所用之均輯詞均一書並正學宋齋之失在粵西
商之周稚圭翁在楚北商之陶臬卿同年探及至
吳門見戈順卿戴所輯詞林正均一書先得我心
為之閣筆

商多麗菊

怯秋容憐他麗草叢叢近重陽者番芳信頻年瘦極西
風乍開時瑯闌雨洗更尋處石徑苔封如許清幽別饒
秀逸幾多傲態不言中料得是柴桑境宋笑口恰相逢
愁今日白衣無酒呼飲籬東最涼宵月明竟戶疏枝

被七

七

掠影惺忪擷寒香餐英自好摘瑤藥點茗偏工舊種珠
簾新移玉筍換將凡豔發仙穠儘容爾空山霜後晚節
寄孤蹤休遺恨閨人采去插並芙蓉

鷓鴣天

商略飛花劔壁陰真珠櫳裏漆鳴琴劉郎不自修花譜
孤負唬春有翠禽雲漠漠月沈沈瘦桐灰卻野蠶心
拚嬌困酒年來慣落曆東風冷見尋

角招

白石製角招引曰俞商卿善歌聲余每自度

曲輒歌而和之極有山林縹緲之思熊九見
甫譜於律者王申春莫將歸商城此送別
示同年畢子筠拍定且系其聲即采黃鐘雙
角音調綴成是諸見南與余同客燕臺匝歲
矣今其歸也余當踵之他日憶余江南其亦

度此以解別緒耶

判吟衷東風翦翦春陰一碧如繡 帝鄉同客久惜別

幾人

謂胡茗原丈陸建庵張愛淵

堪此尊酒江南夢又儘遲去聲我鞿

愁消瘦極目鞭絲天末只輸與萬千條送歸程煙柳

回首譜蘭訂舊焦桐感爨那是寬裳奏聽去聲歌聊復偶

說與鎧紅更闌時候銷魂賦就賸浣了緇塵三斗後約

橫溪翠岫料應結竹邊樓花閒隔

長亭怨慢

汪子珊太守西園話別圖

向何許斜陽沈醉一幅輕帆又催離思小夢揚州竹西

歌吹略如此昔年瓜步流不盡空江水水若載愁時便

薇七

八

載得月明千里容易看蕪城柳色漸老暮鴉聲裏秋

風冉冉更三十六陂吹起君自憶脆竹嬌絲怕聽取陽

關重理算添寫紅橋留作煙波歸計

浣溪沙

鈴下集詩牌字

百摺裙拖六幅斜阿瓊扶下七香車城中高髻是誰家

燒蠟不緣呼絳樹銷金何事問蓮花玉絲三尺話天

涯

木蘭花慢

置小舟園池暇則蕩槳泝洞荇藻閒碧淨秋澄清淺可喜客曰是真詩船也因以名之

愛青萍作蜀風半約小池圓著一箇詩船兩枝畫槳幾

折橋偏采蓮五湖晚唱喚鷓鴣清夢落誰邊夢逐潮聲
遠去釣絲我意纏緜澄鮮還洗鏡中天峯影自娟娟
記那回同載蕭星茶竈其客吹煙悠然不驚細浪但船
頭呼月照人便踐卻鱸魚舊約好秋紅樹今年

揚州慢

與趙斗垣吉士泛舟湖上是夕被酒復偕入城踏月夜景蕭瑟歸乃扣舷而歌之

煙暝歸鴉月斜驚鵲拍天水接高秋捧金盤一醉更掃
盡閒愁認湖畔鸞彎細路再來尋遂無數紅樓恁衣香
吹下金風都在簾鉤廣陵古怨聽荒涼箏瑟誰搗縱
粉泪銷餘鶯聲咽暮淮水西流已是滿隄衰柳腰支瘦
尙學輕柔歎年年飛絮何時纔與春休

蔽七

九

西子妝慢

賦桐鄉潘園李子

玉螿沈寒金丸摘豔帶得桐溪煙雨爪痕還說認西施
記仙根別栽何處名園舊主又那間閒居情緒翠籠開
祇水荷包卻勻圓如許方干詩卻用水荷包繅李銷煩暑雪滿涼
初顆顆瓊漿貯笑拈纖核打鴛鴦傷相思語兒鄉住濃
陰幾樹指前度乘潮來去恁堆盤一碧玲瓏細譜

聲聲慢

憶園居長夏

編籬簇樹篆徑通花陰陰但覺新涼受得風多況又水
淨荷香暮蟬幾回咽處挂殘聲都在垂楊如此境問如
何不住負了鷗鄉卻憶鷗邊雨過載茶鑪酒具小小

沙棠略似浮家煙景半入蒼茫誰教畫師寫出寫斜波
還寫斜陽亭一角映葦苔猶自未荒

水調歌頭

題王海邨湖樓愁思圖追和劉芙初太史均

湖水渺天際遙憶響泠泠此中宜著詩句寫上碧雲屏
一自紅橋摻袂再向白鷗回首華髮感星星休道宦游
好鄉思逐潮生酒人疏酒鑪香酒杯停有誰澹妝濃
抹絕豔也秋蕭不記韜光竹徑頗念飛來峯色小憩冷
泉亭涼笛幾聲噉有鶴下空冥

湖上古今月江上去來潮平生夢常到處小小木蘭橈
映著溪樓螺黛飄著舵樓紅裏香氣共煙銷煙外宋無
語芳草去迢迢誰扣柁且低唱更吹簫短篷數聲涼
雨鬱悒幾難聊只付尺練煙水便是微雲河漢秋影可
能招今夕酒邊話都在赤闌橋

陳鴻墀範川

鴻墀浙江嘉善人由編修緣事罷職道光元年

特用到閣

摸魚子

題珠湖漁隱圖

見詞綜續編

怪江湖浮家泛宅習師青鬢如許扁舟一棹人何在三
十六陂煙雨君且住看小宋才名珂馬朝天去輒紅塵
土恐巖社波涼嘯臺響宋風月便無主琅嬛館玉軸

牙籤無數輕舸兼可搆取漁經漁具天隨子笠澤叢殘
同譜添一語願盡借藏書載入春潮艣煙波深處算射
鳴光陰賣魚生計讓 我儘容與

潘曾沂功甫

會浙江蘇吳縣人原籍歙縣道光元年由舉人到

閣

湘月

絃庭弟以內閣典籍廳階下黃蓼花寄歸鳳池園名之曰典籍黃同順卿賦見戈載

翠薇花館詞坊錄

白蘋斷處聽蛩吟漸遠叢引歸興去日池塘早換了一
種蒼苔詩景古道蒙陰疏花茅店下馬無人省蒙陰蓼花色紫

薇七

七

嘗得其種子梁莊酒家今已徧那菴前矣

舊巢痕老掖垣別憶清境 堪歎

水月栖禪香蘇沐鬢誤流光鞭影謂姚鏡塘吳蘭雪兩前輩閣下文

章算只有幾點水蒨閒靜瑣碎糠金擺搖對照臣比黃

花冷糠金山在蕭山湘湖中亦產黃蓼壺盧盛水子由待我蔬徑

前調

贈順卿順卿和詞題云功甫閉關習禪悅將二十年矣以子爲仍住楓橋及觀子詞有自題校詞讀畫齋圖乃知移居虎阜

校詞讀畫問何人有此清遠閒興徧性幽棲只一水隔

了柳絲魚影半樹模糊頻年契闊楓落思君冷巢痕尋

徧那知別徙人境 堪笑踏月槐街垂燈野店更簾櫳

人靜絃庭有槐街踏月圖子有垂燈春淺圖星齋鸚鵡

鸚鵡簾櫳詞翠薇館主昔有題詠刻於集中

能言但莫道家世中朝難並澗上贅荒墻頭椒死把酒
吾三省長風天晚魯陽請駐斜景

高陽臺

黃蓼花次絨庭弟均

見詞綜補

肥綻深黃瘦成澹白中分北地南天一概無多踰
淮已耐經年經過水國無人管傍斜陽綴粟金圓

借絲綸改染珊瑚冷欲裝綿小山別有留人處

美臣香姓氏日下從前別院秋葵道家裝束堪憐

春風侍女青紅影到呼燈雁雨蛩煙又梅郎磬口

嬉禪指髻猶眠

案功甫詞詞綜續編詞綜補所載均非合作撰錄

二闕並見戈順卿詞坵錄謝枚如詞話云集中坵

亡人作有功散佚不少信然

冀鞏祚璵人無著詞選襄人館詞選影事詞選小奢

摩詞選庚子雅詞

鞏祚榜名自珍又名易簡浙江仁和人道光元年

由舉人到閣己丑成進士以知縣用呈請仍歸原

班官至禮部主事

賭碁山莊詞話仁和冀定菴恃才踈弛狂名甚著

詩文皆不落凡近詞凡五種存者不多有詩云不

能古雅不幽靈氣體難躋作者庭梅煞流傳遺下

女自障秋扇過旗亭意不以詞人自居然首句亦

作者同病

譚獻復堂日記闕定菴詞縣而沈揚意欲合周辛

而一之奇作也又曰定公能為飛仙劍客之語

填詞家長爪梵志也昔人評山谷詩如食蟬蛸恐

發風動氣予於定公詞亦云

水調歌頭辛未六月二日風雨竟晝檢視敗簾中
嚴江宋先生遺墨滿眼凄然賦此解

風雨颯然至竟日作清寒我思芳草不見忽忽感華年
憶昔追隨日久鎮把心魂相守燈火四更天高唱夜烏

起當作古人看 一枝榻一鑪茗宛當前幾聲草草休
送萬古遂茫然仙字蟬飢不食故紙蠅鑽不出陳蹟太
辛酸一掬大招淚灑向暮雲間

滿江紅 代家大人題蘇刑部塞山奉使卷子

草白雲黃壁立起塞山青陡誰貌取書生骨相健兒身
手地拱龍興犄角壯時清鷺斥消烽久仗征人笛裏叫
春迴歌楊柳 飛鴻去泥蹤舊奇文在佳兒守問摩挲
三五龍泉存否我亦高秋三扈 蹕穹廬落日鞭絲驟
對西風挂起北征圖沾雙袖 蘇已逝世七年哲嗣索題

湘月

壬申夏泛舟西湖述懷有賦詩時予別杭州
蓋十年矣

薇七

七

天風吹我墮湖山一角果然清麗曾是東華生小客回
首蒼茫無際屠狗功名雕龍文卷豈是平生意鄉親蘇
小定應笑我非計 才見一抹斜陽半隄香草頓惹清

愁起羅幃音塵何處覓渺渺予懷孤寄怨去吹簫狂來

說劍兩樣消魂味兩般春夢檣聲盪入雲水

是詞出歙
洪子駿題

詞序曰龔子璠人近詞有曰怨去吹簫狂來說劍二語
是難兼得未曾有也爰填金曲贈之其佳句云結客
從軍雙絕技不在古人之下更生小會騎飛馬如此燕
郎輕俠子豈吳頭楚尾行吟者其下半闕佳句云一棹
蘭舟迴細雨中有詞腔姚冶忽頓挫淋漓如話俠骨幽
情簫與劍問蕭心劍態誰能畫且付與山靈詫餘不錄
越十年吳山人文徵爲作簫心劍態圖率連記

前調

甲戌春泛舟西湖賦此

湖雲如夢記前年此地垂楊繫馬一抹春山螺子黛對
我輕顰姚冶蘇小魂香錢王氣短俊筆連朝寫鄉邦如
此幾人名姓傳者平生沈俊如儂前賢儻作有臂和
誰把問取靈山渾不語且自徘徊其下幽草黏天綠陰
送客冉冉將初夏流光容易暫時著意瀟灑

浪淘沙

書願

雲外起朱樓縹緲清幽笛聲叫破五湖秋整我圖書三
萬軸同上蘭舟鏡檻與香篝雅憺溫柔替儂好好上
簾鉤湖水湖風涼不管看汝梳頭

卜算子

薇七

古

江上有高樓似湖樓迴樓外文波曲曲通不駐驚鴻
影蘋葉弄斜暉蘭蕊彫明鏡翦盡秋花漠漠寒人臥
江南病

南浦

端陽前一日伯恬填詞題驛壁上凄魂曼絕
余亦繼聲

羌笛落花天辦香鞦兩兩愁人歸去連夜夢魂飛飛不
到天塹東頭煙樹空郵古戍一鐙敗壁然詩句不信黃
塵消不盡滴粉搓脂情緒登車切莫回頭怕回頭還
見高城尺五城裏正端陽香車過多少青紅兒女吟情
太苦歸來未算年華誤一劍還君君莫問換了江關詞

賦

清平樂 題胡魚門山居卷子

東南詞賦屈指尊前數雨打風吹潮捲去依舊能狂只
汝 叩君畫裏禪關憶儂夢裏煙鬟何日兩枝玉笛雙

雙吹入春山

百字令 蔣伯生得顧橫波夫人小像靳子日君家物也為填一詞

龍華劫換問何人料理斷金零粉五萬春花如夢過難

遺些些春恨 京師某家劇樓有楹帖一聯曰大千秋色在肩頭看徧翠煥珠香重遊贖部五萬春

華如夢裏記得丁歌甲舞會睡豈崙相傳尙書作也帳彈春宵枕欹紅玉中有滄

桑影定山堂畔白頭可照明鏡 記得腸斷江南花飛

兩岸老去才還盡何不絳雲樓下去同禮空王鐘磬 尙書

薇七

五

與錢尙書同在秦淮日賦詩云楊柳花飛兩岸春行人愁似送行人一時傳誦青史閒看紅妝

淺拜回護吾宗肯漳江一傳心頭驀地來省 忽憶黃石齋先生在

秦淮之事曲終及之

魏奴兒令 答月坡半林訂游香園

游蹤廿五年前到江也依稀山也依稀少壯沈雄心事

違 詞人問我重來意吟也淒迷說也淒迷載得齊梁

夕照歸 香山

定風波 蘇軾詩

燕子磯頭擲笛吹平明沈玉大王祠無數蛾眉深院裏

晏起曉霜江上阿誰知 山詭潮奔千萬變當面身輕

要喚鯉魚騎鳧地江斐催我去飛渡尊前說與定何時

減蘭

鬚魚橋下片片桃花春已謝不怨橋長行近伊家土亦香
茶甌香炷多謝小鬟傳好語昨夜羅幃銀燭花明
蟾子飛

定風波 二首錄一

除是無愁與莫愁一身孤注擲溫柔儻若有城還有國
愁絕不能雄武不風流 多謝蘭言千百句難據羽琤
詞筆自今收晚歲披猖終未肯割忍他生縹緲此生休
彭蘊章詠莪瓜蔓詞

薇七

去

蘊章江蘇長洲人道光八年由舉人到闕乙未成
進士官至 武英殿大學士諡文敬

鷓鴣天 小樓卽景

漠漠輕陰落晚紅曉鶯啼煞畫牆東滿庭濃綠春歸去
珠箔闌干儘日風 閒倚醉趁拋慵惜花無語小樓空
輕雷欲送南山雨一角油雲點碧峰

卜算子 和仲山眠琴館作

細乳碧桐花百尺曾棲鳳清影隨風入畫簾一枕涼生
夢 石几夜焚香膝上琴三弄說與成連大海心寂寞
無人共

燭影搖紅

懷王井叔廣陵

芳草王孫廣陵三月鶯花暮春潮江上攪離情弱柳風
吹絮相憶新詩袖裏扣苔門敲碁拂塵偶耕人出時鳥
嚶鳴愁余無侶花事闌珊故人無恙荒園住燈搖殘
夢渡江來脈脈愁無語風定月明在樹裊爐烟游絲一
縷慳奴紅了梅子黃時待君歸去

金縷曲

和仲山自題海猿獻鏡小影

第一神仙宅好滄洲霧消雲散月明天碧掉首鴻濛吾
去也眼底奔湍絕壁欲鞭起老龍彈瑟著箇靈查攜卬
女海漫漫認爾求仙客冰宮鏡生寒色崑崙頂上停
遊屐幾千春蓬萊水淺手撈金魄喜有狙公能解事與
爾烟霞同癖聽長嘯一聲裂笛滾滾紅塵忙不了笑諸
君莫是禪中蝨滄海上情豪逸

吳葆晉信人半舫館填詞

葆晉河南固始人道光八年由舉人到閩己丑成
進士以知縣用呈請仍歸原班官至江蘇淮海道
殉難

龔鞏祚己亥襍詩自注光州吳虹生葆晉與子戊
寅同年己丑同年同出清苑王公門殿上試同不
及格同官內閣同改外同日還原官又日曩在
虹生坐上酒半詠宋人詞嗚嗚然虹生賞之以爲
善於頓挫也近日中酒卽不能高詠矣

被七

七

疎影 綠陰和韻

餘醺未落漸碧陰
景覈平展芳幄
露溼風幽檐際迷
濛疎枝半露山角
紗窗寂寂鸚無語
更綠到石闌雙鶴看
亂紅幾陣飛來換了
蚤春簾幙迴首韶光
去去絳桃
賸馥在空負前約
透入斜陽一色銷魂
悵望天涯人各
涼雲又釀江南雨
恰好蔭嫩苔生閣
怕翠煙裊向羅屏
彩筆也難輕著

滿江紅

題蔣心齋先生雪中人傳奇

一去聊天看霜鶴
翩然而起問當日
幾人爲句幾人識
字俊眼英雄塵世外
齊眉夫婦青山裏
憶綠梅花下遇
袁安盈襟淚
胡不臥長安市
胡不酌西湖水
更五羊城
北執鞭執弭大業已成
蠻海靜故人無恙
醇醪美贖玲瓏片石
矗荒園含空翠

薇七

一八

齊天樂

東坡生日同人集綠雲書屋

碧天猶有南飛鶴
長鳴爲公稱壽
赤壁當年瓊樓今夕
想像鬚眉依舊
心香炷久問皎月
清風我公來否
一醉靈辰
白梅花下酌尊酒
春輝漸舒
晝漏恰朋簪偶
合煨栗菹
韭桐尾知音
劉質齋鼓琴
蘭亭紀事
潘少白作序
更喜長歌先就
梁夢園諸君賦詩
他年定有說景祐元豐詩人前後待
過花朝頰濱重拜手
約於次年二月二十日爲子由先生作生日

疏影

水仙花用白石均

幽姿似玉恰晨葩半展香凍經宿欲覓芳蹤霧鬢風裳
閒愁只寄湘竹珊珊略現淩波影更不管蘭橈南北看
此花恁地清寒想見對花人獨倚三面瑤窗未做幾痕
破素萼春逗庭綠月落雕梁一縷吟魂但與梅花同屋
明璫翠羽移情久待寫入伯牙琴曲問甚時縞袂相逢
莫豔楚江裙幅

滿庭芳

小素以月亭長老蘭竹畫本索題時
圓宋三年矣

一徑幽篁幾叢芳蕙妙香吹遍人天零綃黯墨誰證畫
中禪龍樹杈枒未老深深護四壁雲煙危樓在西山晚

夜七

一九

翠飛繞舊蒲團

月亭居城南龍樹院對西山建小閣

無端增悵望花流

退筆塚草秋寒問遠公意態可似張顛

兩禪師俱工書來去龕

邊燕子斜陽外小燈流連比隣久重題故紙香火話因

緣小素昔駐錫觀音院余居相距數武竟未因之乞畫

鎖窗寒

秋聲

記否年時重簾下晚夾衣添早寒生耳畔半在葦根林
杪倚銀屏難艾舊愁西風又引新愁到待玉釭微燼羅
衾仍薄一蛩吟小不了離懷渺正月滿南樓斷鴻霜
叫鳴笳塞遠分得秋聲多少料機邊情絲織成幾家少
婦衣未擣更驚心古寺疏鐘夢入吳天曉

踏莎行

陳秋穀屬題張憶孃簪花小影

霞臉纔舒雲鬢半起怕教俗眼憐憔悴
裙邊袖角徧愁痕寫花恁寫花心事
繡谷尊前隨園句裡豔君真箇

清狂似攜歸蘇小作同鄉眉峰又染西湖翠

高陽臺

潘君敘庭以典籍廳黃蓼花寄乃兄功甫植之家園賦詞索和卽次其韻見詞

綜補

翦翠莖疏綴金穗短一枝馳向涼天歸去
王孫問花可似當年月中寫出昏黃影
更添些清露珠圓最難傳鳴雁離離
遠道綿綿春來各有池塘夢暗魂消
爪雪紅藥堦前聽雨心情半庭涼影
誰憐西風一種閒花草卻

薇七

三

無端染徧鑑煙覓歸船載得芳叢穩
抱鷗眠余家固始之古蓼灣伯兄亦官中書

鎖窗寒

齋前瘦石南山先生錫以嘉名曰小山並贈以新詞醉生兄既譜買陂塘一闋代小

山致謝余別

填此詞更欲倩畫手爲小山寫照也見張維屏花甲閒談

何處飛來烟痕褪葯露華肥
薜詩翁品弟山色六朝深淺鎖柴扉
濃青漾空一峯欲起雲還嬾
臍滿身涼翠吟肩同瘦夕陽庭院
堪羨佳名換甚米老奇觀武康俊
選生綃小幅妙筆待開生面想羅浮
原有合離鐵橋夢醒峯又轉好
丁甯幾縷垂楊莫冷看山眼

浪淘沙

題葉潤臣鶯湖話別圖

見元冊

一片鏡波明蘭棹催行曉風殘月不勝情花未全開鴨
未睡酒未全醒 天氣雨還晴菡萏香清鸞湖楊柳又
藏鸞柳自依依鸞自老水自盈盈

蘇孟陽賓嶼

孟陽江西都陽人道光八年由舉人到閣已丑成
進士改庶吉士後官吏部主事

滿江紅

題陳登之龍讀圖

見罷讀樓彙刻贈

絕世才華肯守著兔園終老休豔說曹倉杜庫一時盡
掃眼底乍除文字障胸中自有循良藁笑從前故紙費
鑽研回頭早 窮象數徒虛渺誇典麗空詞藻問臯夔

薇七

三

稷契讀書多少名士祇宜高閣東英雄安用毛錐擬看
絳侯厚重作公卿無文好

宗稷辰滌樓

稷辰原名續辰浙江會稽人道光九年由舉人到
閣官山東運河道

蘭陵王

寄秦黃樓時在湘南

見詞綜補

送君處遠指湘江幽阻攜家向回雁峯南漂泊生涯幾
時住悽然握手語未許萍踪久聚飛鷺墮滿地瘴煙愁
共溪深淚如雨 知君近誰侶想嘯倚嚴碕響答蠻鼓
水流天外邊雲布早葉脫風勁預收炎暑青天一劍手

屢撫試鋒劈銅柱
君去更無苦縱曼倩長飢乞米無
所債臺豈老風騷主喜桓鹿共挽萊衣親舞修名宜寶
且努力事萬古

端木國瑚子箋

國瑚浙江青田人道光十一年由教諭恩賜到

閣癸巳成進士以知縣用呈請仍歸原班

處州府志道光十年宣宗成皇帝改卜壽陵
那文毅公彥成禱尙書恩得地理元文注以獻
上問近臣知此入乎曹振鏞對曰此浙江名士臣
久聞其名遂詔浙江巡撫劉彬士召之國瑚方倚
隱囊注周易聞命顛出坐後左右扶之起乃曰
吾竟以方技名乎壽陵既定將以知縣用原薦
者爲奏曰國瑚大挑一等不願爲縣令故改授教
官上乃特授內閣中書加六品頂帶人以是益

薇七

三

高之癸巳成進士仍以知縣請改歸中書蓋前後
三辭縣令云

湯紀尙太鶴山人傳國朝監唐制置舍人司制
誥票儼亞其選翰林雜材魁士百年相禪顧地閒
冷遷轉迂多抑遏終山人性靜退有逸士風好讀
易閱身幽墨不驚華顯初爲校官湖州樂之至是
同直內閣益澹榮願專志注易與昌樂閻學海平
定李星蟠爲友二君者以進士同官同居涓而劬
學又同每入直聞宮雅嘯雜聲視日下春借步出
長安門覓蹇車共載以返荒廬黯躡與閻論詩與
李論文山人則以易理縈拂之易指成假歸出都
門載青牛鹿則易稿也送者慕之以爲幽人之貞
焉

且琴百字令

殘菊

見詞綜續編

黃燮清曰先生詞不多見於附刻中收錄之

水晶簾捲恁西風吹老難開笑口白粳籬邊霜信早又
過啼螿時候破帽黏苔空庭敲石漫記重陽就閉門孤

峭一尊猶賸殘酒 獨自歸臥柴桑鬢絲偷換秋共長
松瘦車馬人閒蜂蝶散留得南山依舊落落仙心棱
傲骨靜極原宜壽誰憐清苦夜深襟露涼透

孫慧惇小平

慧惇江蘇無錫人由舉人捐中書 陵工處行走

恩賞進士道光十四年到閩改官知縣

孫兆淮花箋錄無錫孫小平慧惇平叔先生子也
風雅俊逸絕無貴介習氣道光辛巳北闈與余同
寓拜斗殿江雨圍姻丈家後以進士出宰山左潘
縣栽花非所願也詩不多見曾爲余題梅花美人
蝶戀花詞云

蝶戀花 爲孫子香題梅花美人 見花箋錄

被七

三

薄鬢撩雲肩掩月欠雪蛾眉一樣聰明絕記得小名應
仿佛飛瓊舊向瑤臺列 坐汝綠梅花底說新詠臺前
合費珊瑚筆坐處衣香猶未歇可堪重話經秋別

薇省詞鈔卷第七

薇省詞鈔卷第八

臨桂 況周儀 薏苡 撰錄

吳嘉淦 十二首 龍啟瑞 六首 袁績懋 三首 何 棻 二首

潘曾綬 八首 孫鼎臣 十首 方濬頤 八首 潘希甫 二首

潘曾祁 十首 曾協均 一首 鄧輔綸 一首 許宗衡 十五首

吳嘉淦 澂之秋綠詞

嘉淦江蘇吳縣人道光十八年由進士到閣後官

戶部員外郎

蔣敦復芬陀利室詞話吳郎中少時為吳中七子之一詞筆如春蘭初花幽芳襲人余最愛其鴛鴦照影立多時七字豔情入妙正以不多著墨為佳

薇入

菩薩蠻 舟行卽事

畫船波面東風路 櫓鴉飛出橫塘渡 楊柳綠迢迢 杏花紅過橋 廉纖春雨急 滴淺窗紗色 燕翦一雙回 掠開帆影來

月下笛 栖霞

密葉烘秋疏林顛 雨夜深寒峭 西風漸老瘦 翎微褪 青小故宮終古垂楊夢 幾度荒煙蔓草有三分 明月巢邊移近 賺伊驚曉 羣噪知多少 看薄暝樓臺墨 作翻去 林杪霜濃半飽 可憐身世 枯槁一枝 借得斜陽煖 又早被黃昏換了 最酸咽 對孤燈 穀穀 唬過 破廟

臺城路 題沈士美西泠鷗夢草

離家好趁烟波去，渾忘舊愁多少。小艇移琴，清卮喚酒，不管鶯聲啼到。長隄霧曉，記油壁車停，那年蘇小。萬綠西泠，柳陰深處放孤棹。浮萍蹤跡漫訴，袖中添畫本，知是新稿。暖雨吹香，晴雲盪碧，飛上征衫。茸帽游踪暗惱。又幾日江鄉，豔春都老。贏得今番，滿懷清興好。

清平樂 秋雨

綠陰孤館，人語青燈畔。一夜潺潺聽未斷，攪得新愁零亂。薄寒情緒蕭寥，休文瘦損，圍腰解道秋衾無夢，箇前休種芭蕉。

夜入

高陽臺

金風應律，白露迎涼，望一帶之長隄，拂數行之衰柳，依依別緒黯黯銷魂，宜乎晉家可馬嘔涕于攀條，宋代詞人寄情於度曲矣。僕也憔悴青衫，感懷秋士，獻長楊之賦，名不列于金閨，讀落葉之篇，情獨悲夫。王子撫茲景色，益愴于懷，偶作小詞，冀有和者。

幾樹垂隄，兩行拂水，春閨曾致纏綿。能幾回游，滿汀斜鎖寒烟。酒旗歌板都消歇，依弱態堪憐。最淒然冷眼，餘華看到經年。灞橋此日題詩，客恰衫痕憔悴，不似從前。聞說攀條柔情，不度溪邊曉風殘月，還疑夢更何人。解甲屯田，望斜川敗葉，零花如此，江天。

新雁過妝樓 秋夜

別館涼歸疏簾外流螢數點低飛舊時詞客秋思漸覺
侵衣燈影依人同一瘦蕩香欲醉不成泥莫分題近來
漫興多落溪西 幽襟誰堪共語正倚闌望遠綠暗紅
迷庾郎愁緊何事更說螢晷瀟瀟未曾聽雨已衰草
陽都半非寒籬外有墜梧零葉敲響柴扉

齊天樂

傷鈴

綠楊影裏絲風細遙天度雲聲遠繫項分圓梳翎緩巧
清脆依稀成串餘音未斷和片鐵郎當那家庭院莫更
低飛護花繩索踏柔軟 紅闌凝望甚處正開籠試放
新韻初換寄與封書驚殘好夢抵得流鶯輕喚芳春晝

薇八

三

暖聽小閣兜回倚窗人倦屋角喧晴繡簾還又捲

小乘河瀆神

水仙王廟迎送神絃各一曲

斜照洞庭寒洲草汀烟路寬水晶宮殿碧闌干繡幢霓
節遙看翠纈雲翹辭絳闕畫舫簫聲初發鏡裏蹋波
羅鞵玉顏華媚珠月

蘭階薦菰蒲邀舞錢塘舊巫橘芬柑脆戀吳都酒醒何
處歡娛 歸去湘南通片席夢繞君山秋碧葉落露涼
芳夕好傳瓊佩消息

月邊嬌

補和戈順卿集小廣寒畫舫

蘭舸迎風記傍柳尋荷頻催雙槳藕絲衫嫩菱歌響脆

煙外露華輕颺眉匳鏡皎浸一片珠簾羅幌花鈿瑟瑟
有暗裏柔情飛上舊時冶思匆匆鬢邊燈畔幾回飄
蕩華年逝水消愁無計怕見桃花紅浪垂楊畫舫定放
卻濃春惆悵閉門隔雨待倚樓相望

蘇軾虞美人

海棠花影涼生夢香霧迷烟重金釭隨意照窗紗不信

羅幃夜夜有天涯嗁聲何處聲淒急偏向桐陰立愁

人已自不禁秋那更瀟瀟暮雨響簾鉤

白真淒涼犯

思樹齋消寒分賦得廢池

見詞綜補

冷波影溼鋪雲絮寒塘幾處岑寂柳衰綠暗笑凋翠損

薇八

四

亂嵌欹石前游記憶有私語鴛鴦對立賸而今荒叢鷺

白莫問舊消息留遣山公醉可惜花殘酒醒霜夕凍

苔徑滿早全忘謝家春色古木蒼涼看歸燕猶尋故宅

忽年年只有皺水自漸碧

徵招

春感

見芬陀利室詞話

意興當憐不計

絲旛颺動庭前樹東皇暗催芳訊次第報花開奈尖風

淒緊嬋娟剛瘦損更零落滿宮金粉步履回廊凝塵曲

榭易凋雙鬢休問舊鄉園王孫去苔階亂紅盈寸漫

與訴柔腸怕蘭盟難準瓊牋空寫恨早贏得玉郎春困

倚雕檻纖手低垂看畫簾人近

龍啟瑞輯五漢南春柳詞

啟瑞廣西臨桂人道光二十一年由舉人考取到

心閣是年成一甲一名進士授修撰官至江西布政

使

人踏莎行

日暝山深天低野曠隔江數點漁燈上南風吹送雨聲
來打蓬聽得蕭蕭響渚雁呼羣江魚迎浪柳條輕拂
菱絲漾湖心滿眼是蓮花莫愁何處飛雙槳

滿江紅

滿地江湖流不盡半天明月凝眺久征鴻蕭散斷雲飄

菽八

五

忽庭院幾家同悵望關山萬里難飛越任思量情緒比
絲長何時竭鶯嗁處花枝發鶉嗁處芳菲歇問何人

長住廣寒宮闕篋裏應憐紉扇掩筵前空憶金尊凸料

今宵獨倚水晶簾寒生鞦韆

水龍吟

舟夜聞笛

何人夜倚篷窗一聲吹破空江冷蒼涼短笛飄零愁緒
助成清境新月初弦微雲乍霽更長人靜算無心成弄
有心入聽風前意頻思省暗憶天涯海角有紛紛斷
蓬飄梗哀絲怨竹幾人遙夜共鳴淒哽縱過桓伊奈何
空喚深情難領暫徘徊佇立卻將心事付驚鴻影

好事近

舟次寫懷用朱希真漁父詞韻五首錄一

還笑宦游人宇宙皆爲吾宅纔向漢皋留佩又樓中聽
笛客舟夜泊枕江亭細響弄沙磧薄醉倚窗危坐受
煙霞將息

憶少年

約漢武秋風辭意

一天秋意一林黃葉一聲歸雁佳人渺何許悵芳華開
晚百丈樓船張飲讌望汾河素波如箭流光送人老
把歡情偷減

憶舊游

春草

怪天涯底事滿目青青千里平蕪記送王孫去又倡條

薇八

六

冷葉綠到江湖寸心自含春意蜂蝶未全孤拌客子光
陰鞭絲帽影閱盡榮枯模糊舊游處有露溼聽鶯月
落唳鳥踏徧青鞋路問煙莎雨籜風訊來無故園未荒
三徑新翠繞吾廬盼一碧連雲江鄉慙慙清夢蘇

袁績懋劄庵

績懋順天宛平人道光二十一年由舉人考取到
閣丁未成一甲二名進士授編修官至福建候補

道殉難

一叢花

見詞綜補

秋聲萬里度長空落葉捲西風愁心重疊渾無際都付

與天末征鴻菊老楓丹故園何處搔首月明中 重幃
迢遞隔遼東雙鯉信難通一枝修竹頻番倚早不道染
秋霜濃拔劍歌哀檢書燭短無語聽疏鐘

古陽關 曉雨和象如內弟

纔送春光去又灑黃梅雨滿庭竹影淒清甚憑誰語撫
瑤琴一曲幽恨終難訴看裊盡博山殘篆嬾重炷 茵
蒼煙中吐空媚嫵最難堪是聽蛙鼓喧無數又瀟瀟幾
陣溼徧灣頭樹鎖無聊一襟清淚共酸楚

回更翠樓吟

與內子芙江話舊感而有作

煙鎖離魂雲沈斷夢愁城不計昏曉紅羊成小劫何處

薇八

七

是璇宮瑤島西風吹早又鶴嘯猿嘯接天荒草心如擣
回頭陳迹雪泥鴻爪 我欲料理輕舟向吳頭楚尾冷
吟閑弔白蘋紅蓼岸問飢雁稻梁多少江寒秋老恐柯
笛焦桐難尋同調金尊倒人生能幾且尋歡笑

紅何一 棧蓮舫悔餘庵詞

乙巳成進士後官江西建昌府知府
棧江蘇江陰人道光二十一年由舉人考取到闈

金縷曲

余與秦補茵叨共枌榆訂交逆旅出示詞
稿意旨遙深同滯異鄉不能無慨 見詞

綜補

知已生平有又天涯相逢新雨吟壇抗手同憶蘭陵煙

月好留與何人消受最可惜青春去驟梅子心酸蓮子
苦問沈腰爲底量來瘦應自悔種紅豆 情天任補天
還漏漫無聊一齊付與外孫齋曰大半空中傳恨耳贏
得年年中酒更唱徧曉風楊柳識曲聽真能有幾算人
生不合風塵走君試道是耶否

虞美人 題俞君芝恬藝雲詞

春風本自無頭尾次第從花起何人彩筆勝春風染得
脂紅黛綠十分濃 休嗟飄泊還如舊好試班春手海
棠信是可人憐更有新詞比似海棠妍

潘曾綬絃庭睡香花室詞秋碧詞同心室詞憶佩居

薇入

詞蝶園詞花好月圓室詞

八

會綬曾沂弟江蘇吳縣人原籍歙縣道光二十一

年由舉人考取到闈後官侍讀

許宗衡序絃庭丈以生平所著詞示余凡六種數
百篇丈自定僅存九十餘篇以脉古人甲乙分稿
蓋較嚴矣余以柄才於意內言外之旨概未得有
然聞之安吳包脊伯丈曰詞不脆則聲不成脆矣
而不清則賦清矣而不澀則浮三者余以澀爲難
蓋澀不在聲亦不在色聲色備而後味出焉則所
謂澀者乃隱隱於齒牙間自三百篇後而有離騷
屈宋之言哀感頑豔乃至煩冤悵悵可測識而
古人以爲清絕浴浴顧昧者方苦其澀余又以爲
澀亦不在字句也猶之詞也余謂其無極而與爲
排側焉然則無聲非詞徒聲亦非詞聲統於聲也
色者字與句之有形容也脆與清兼乎色與聲而
言也必歸之以澀而哀感頑豔煩冤悵悵口誦而
心靡情古而意柔卽含咀於齒牙遂震盪其心魄

詞卽騷之具體也昔昌黎論樊宗師之文以爲文
從字順而樊之文固澀甚以順從論澀則文之澀
固不在字句詞之澀亦豈在聲色乎往嘗與王君
兩嵐夜飲秦淮樓上兩雨通九宮以意譜太白菩
薩蠻東坡水調歌頭命謝玉卿錄事歌之余弄橫
笛笛若不叶久之竹肉既調其聲低徊月斜風起
意興靡極然幽咽不已轉益淒絕是以澀爲之乎
而要未可以倉楚當也今丈諸詞於安吳三字之
說旣均有所得其所爲者卽在么妙鏗磬中而不
必以迹象求也余何爲者乎不倚聲者已十年獨
弦哀歌無復語言文字亦惟以非聲之聲與丈相
視而笑而且以將移我情者與丈結成連海上之
盟焉

摸魚兒

三月二十九日招宋于庭學博吳清如孝廉張亨甫明經詩舫餞春

料詩人許多心事梁閒燕子能訴江南薊北傷春地一

樣落花飛絮春未去倩一綫浮絲攔著春歸路鑪香幾

薇八

九

纓也漾出簾旌牽紅曳紫思挽夕陽住東風緊淺碧

雲光易暮停杯悵望南浦天涯縱寄蘼蕪信又覺今年

空度須記取記曲曲闌干盡是留春處無聊意緒向新

綠陰中拈毫試擬恨別兩篇賦

賀新郎

送顧簡塘孝廉落第南歸

又唱陽關矣好無聊落花飛絮困人天氣不信奇才多

蹭蹬依舊半肩行李念驛路迢迢千里杯酒送君南浦

別更何時剪燭西窗裏重握手夢中喜匆匆片語君

須記儻途逢北來鱗羽短書勤寄回首秋風嗟瑁璫我

也一般滋味算那把文章游戲此後相思明月共費闌

千十二連宵倚塵海闊幾知已

念奴嬌 蘆花和查又山侍御

四無人處慣蕭蕭瑟瑟做出秋聲秋士從來頭易白相
看那免心驚涼織輕雲碎搖疏雨低撲水盈盈丹楓何
意錦衣偏詡新晴 猶記莖館聽潮江亭踏月客思正
懸旌一片西風來太急倚闌渺渺愁生夢雪鷗邊尋秋
雁外難踐老漁盟夜寒揉絮釣船燈火分明

步蟾宮

晚雨初過步月花間隔院笛聲微動秋思

誰家弄笛聲幽咽正微雨閒階清絕聲聲吹到舊時愁
更吹出舊時明月 碧荷花朵新堪折又抹麗叢香如

薇八

十

雪芳蘭箭箭是秋心想江上望龍吹裂

柳梢青 題畫

柳色年年飛花飛絮含雨含煙好箇風光夕陽畫出人
影鷗邊 分明夢到家山夢醒處殘紅可憐細浪吹愁
晴莎織暝春未闌珊

鈞船笛

鈕西農紫藤花館學書圖

幾折小紅闌紫雪叢叢相繞坐對悒悒簾戶看一春過
了 蠶眠密字十三行風格學來好我有雙藤畫本著
吟情多少

菩薩蠻

和仲脩均

題並第二首見篋中詞

蕊珠樓閣層層掩綠紗窗外冰蟾斂香冷翠衾單東風
惻惻寒 紫霞衫子薄雙手擎紅箔親折小花枝熏香
獨坐時

一襟紅淚愁難訴游絲飛絮渾無數千里寄書回尋芳
人不來 畫屏圍曲曲鏡裏人如玉重到紫雲堂好花
依舊香

依舊香

湘月 黃蓼花和伯兄均
藥階句老又新翻別譜同賦秋興漢漢搖煙應染
卻一帶昏黃詩景水樹叢蘆風鏗細菊古語同誰
省船庵如畫雪窗請助禪境兄有雪窗禪師硯
最是馴雀階除瘦筇籬落誤斜陽篩影舊館尋仙
恰話到西掖梧桐人靜小謝池塘大蘇竹石興比
巢翁冷共巢松晚年自號冷翁看雲憶弟對牀別
自開徑

薇八

十二

孫鼎臣子餘蒼篔簹館詞湘弦詞

鼎臣湖南善化人道光二十一年由舉人考取到

闕乙已成進士官至翰林院侍讀

南浦 次顧子山和玉田春水韻

暗度柳梢春只闌邊鬪鴨今朝先曉新綠沒篙痕漁梁
外殘雪東風全埽魚鱗漸起嫩紅一點溪桃小早有漁
榔句引出來問落英芳草 春風底事干卿把鏡裏新
蛾無端縐了南浦畫船橫垂楊岸已是玉驄嘶到蘅皋
路渺江梅青子流鶯悄料得浣紗溪畔石後日來時應

少

金縷曲

秋柳次張仲遠韻

明月揚州路是何人玉簫低咽傷心金縷司李風流銷
沈後一汀竹西煙雨又惹惹江天遲暮繡陌弓腰看不
見上寒潮淪淪荒江渡霜信緊角聲苦長隄曾繫龍
鱸處數前游鈿箏北里畫船南浦十里春波明如鏡照
見樊娘眉嫵恨殘照西風無緒舊事蕪城重鱸忤裊柔
絲不綰人愁住歌板在忍重訴

入之西湖月

本意

平湖澹澹寒光浸十里長隄晶瑩如許藕花香滿三更
畫舫一枝柔櫂柳汀蘆渚外暗照見鴛鴦雙宿處但怪

薇八

七

得隱隱歌聲漸入段家橋路羅裳乍倚西風便忘

去

了湖中一天秋露彩雲休散還愁寂靜白鷗無主采菱
人去遠尙暗想凌波前日步騰蕭瑟蠟火漁燈夜深來
去不歸人惹

百字令

九日集福善寺懷沈栗仲先生

寺門疏柳作輕煙淡雨過江秋色黃葉聲中人載酒來
問籬東消息落帽風高寒沙平楚斷雁如殘客茱萸醉
把人生嘉會難得回首前度琴尊柴桑歸去縹緲飛
鳧隔山色綠蘿無恙在看我登臨此日佛火深龕鐘樓
返照短衲僧頭白蒲團閒話雪鴻猶認遊迹

疏影 春露

海棠庭榭看黃昏月上涼玉微瀉奪得燕支瓠髓和勻
風容十倍輕冷畫闌不覺羅裙澆只怪道寒添今夜滑
盈盈一道蒼苔鈿砌等閒休下瓶寶井華新汲起來
對寶鏡蛾綠新寫小朵斜簪穠豔未乾便覺鬢雲低亞
洛妃無語凌波遠見說弄明珠盈把但憑伊散入花閒
莫上相思鮫帕

疏影 梅花

素琴膝上悄偎人寒玉疏影簾際漸近春宵三九後月
色便多歡喜綠萼分攜蠟書不到夢裏江南水綺窗微

蕪入

雪不知此日開未孤負湖上青山疏枝冷蕊正東風
初試鶴病新蘇可耐得凍石清泉滋味詞筆粗疏笛家
哀怨心緒都難寄無人林下一雙翠羽飛起

蕪入 舊扇

冷螢閃入簾旌暗梧階驟雨初歇篝香散盡懷中宛轉
舊時圓月秦鸞影絕賸一角青繪山活問秋風今生那
日再與片時熱密密湘東字翠墨秋豪素執愁滑鬱
金未沈憶鍼樓晚涼時節容易經年清夢斷桃笙如雪
更誰禁枕畔絡緯語切切

漢宮春 扇于湖春望

風輒於綿盪亭臺一水綠影如煙遙看雉塲草淺鶯榭
花連春人未識試青驄楊柳隄前誰更把金魚換酒玉
尊閒款芳年 同望五雲生處已禁鐘初過萬樹陰圓
沈沈鳳樓十二複道高懸蓬山事少但微聽宮漏遙傳
早又是鳴珂散直來尋鷗鷺湖邊

燕山亭

楊園

微雨池塘無數白蓮開過畫橋東去楊柳水西一箇風
亭新綠溶溶圍住魚浪吹香更蟬影藏雲深樹人不到
時聞燕梁雙語 誰念倦客長安又看徧鶯花怱怱歸
路鞭絲漸晚人影初晴湖山暫時留住故國瀟湘知老
卻幾多蘅杜凝佇又忘了明朝重午

薇入

十四

祝英臺近

江上遇雨

霧初收風未定煙柳繫孤艇臨水人家約畧倚深徑峭
寒細雨疏籬綠悄悄處早扶出一枝紅杏 問江上添
得幾許春潮鎮日沒笞簪疑碧無情芳草渡頭影鷓鴣
煙外飛來一聲聲喚正十里春山人靜

方濬頤子箴古香凹詩餘

濬頤安嶽定遠人道光二十三年由舉人到閣甲

辰成進士改庶吉士官四川按察使

劉澣年譜序忍齋以詩古文雄海內著作宏富夙
爲士林所推重詩餘乃作於六十歲以後不三年

事共得三百餘闕之多憶每成一作輒束以見示中間
邗江肥水雜素年餘郵筒不絕於道

不風流子寄詞社諸君

邗江四閱月秋光老倏屆小春天正低唱淺斟夜闌燈
她迭番歡譙賓主流連猛聽得一聲歸去也鼓棹大江
邊調倚角招尙畱倩影曲翻中呂曾弄么絃 雲心眞
靈巧停機暗指引了不遷延休說陟巖攀桂凭檻觀蓮
況人生聚散伯勞飛燕萍飄蓬轉只合隨緣參透箇中
三昧解脫名禪

鷓鴣天寄研山二首錄一

三日江行抵裕溪天然牙拍換銅琶故人可到長春嶺

薇八
壺

白塔勾玉又幾時 彰勝蹟早刊碑劉郎謂樹君濡染筆

淋漓拓成寄我肥濱去招客圍爐香雪謔

浣溪沙四憶

檻外藤陰綻紫霞倚欄憂有白山茶當年不解按紅牙
雙闕時窺韶石頂一臺重築曲江涯芙蓉未踏況南

華

此日西園景若何叢篁定比昔時多貓頭穿過石盤陀

高閣種蓮盆作沼小詩嵌壁韻追坡心菴何青士詞集名風

雅不殊科

董井東偏記拓軒井南精舍巧相連重勞規復到平山

名士青衫塵黯黯故人黃土淚斑斑傷離感逝總淒然

往日詩家宋荔裳我來壇坫勉趨踰消寒才舉熟黃粱
編竹翼亭山可眺灌園分畝地無荒曲池也有芰荷

香

垂楊 本意用保緒均

春來憶遠說當年手種舞雩柔婉待月謔邊半空搖曳
金絲滿榮枯爭奈流光轉卻輸與驛亭山館竟無端倪
等焦桐負化工風翦肥上攀條尙緩盼後圃成陰幾
番寒煥補柳沿湖也曾親見眉痕展而今絮雪黏歌扇

薇八

辛

可藏得鬢曉身怨虹橋牽住游人青不斷

金縷憶少年

用竹垞韻

譚獻曰清空如話嘗有句云詞家工此興儂獨工

辛夷陽裏丁香閣下迴廊深院金鋪望無際去蓬山天
遠莫是尋巢秋社燕記分明有何嫌怨主人最情重
道春來還見

潘希甫補之花隱盒詞

希甫江蘇吳縣人原籍歙縣道光三十三年由舉

人到闕

馮桂芬顯志堂集潘君墓志君在闕亭內制植國家慶典有大制作多推君爲之經進文字良然

成帙典麗有法度執事實錄 國史 方略 玉
牒四館與校 宣宗實錄蒙古王公表傳蒙古回
部表重修一統志大臣傳畫一本讐勘精采遂得
總辦侍讀覆通本覆通本者總閱通政司各直省
章疏也進而覆部本為真除侍讀之階當是時君
聲望蔚然更歷一二年且敬歷中外而君翩然引
去君器識端重懷抱經濟不表襟開出議論咸職
體要大用之心有所設施知君者惜之既歸會軍
興與團練敘勞得員外郎銜久之例再敘君力辭
而輟 又功甫潘先生墓志先生以例得內閣中
書道光元年入直四年假歸遂不出居輦下三載
交海內諸名公以文章道義相切劘要路雖父執
不一謁一日入朝與友俱一達官出友趨而與之
言旣去問何人友駭曰英中堂不識邪英國文恭
公同年時為樞相云嘗例謁於閣師松筠公會軍
機需人行選而試之公素與文恭公善因問曰考
軍機平先生愕然曰未也公潑海失言厥後家居
值文恭公當國彌自韜匿就所居鳳池園構一椽
曰船庵鍵關謝人事一童子應門客至受東門隙
無貴賤一不報中閭省侍京邸者再往返數千里

薇八

云

亦不見一客俗所用署名小紅箋損不具者二十
餘年中歲以後長齋禮佛究心內典所著船庵詞
一卷藏於家 按功甫先生初名遵沂詞入薇七
余得馮集見先生墓志時前卷已刻成以事行極
可傳節錄附此

湘月 和家功甫舍人內閣黃蓼花 見詞綜補

冷紅碎點慣年年水國涼思孤迴一雁南來別寄得伴
月昏黃詩境約客鋤煙留君聽雨鳳掖巢痕賸糝金池
沼曲闌待我同凭 為問閣下文章元和舊體換翻新
蹊徑載酒斜街莫更道萬里鷗邊名姓傍砌移苔分畦
對菊門掩斜陽靜葵花屏底矮牋替寫秋影

喝火令 題五湖漁莊圖 見葉承桂五湖漁莊

放鴨湖煙白撈蝦夜月黃一燈秋雪五湖莊茗筒紅泥
亭子幾樹水垂楊畫出江村景吟成水調腔純絲菰
葉是儂鄉漁弟漁兄漁舍接漁梁添箇漁童捧釣終日
住漁樓

潘遵祁順之西圃詩餘

潘遵祁江蘇吳縣人原籍歙縣道光二十三年由拔

貢生到闈乙巳成進士官翰林院編修

案吳縣潘氏一門風雅自三松老人後絨庭閣讀
順之太史功甫補之辛芝舍人先後直棧垣並擅
倚聲功甫補之全稿未見西圃詞格在睡香花室
上辛芝後來之秀才復不墜家學

壽樓春

雨後同人坐掬月亭同星齋作兼寄補之

薇八

垂陰陰湘簾又芭蕉綠了圍住疏檐俊煞碧紗窗外晚
花紅嫣微雨後斜陽天正玉池新荷田田更詩思飄來
嫩涼無那風遞一絲蟬水壺映瑤琴眠指舊時蟾影
照我尊前各樣酒懷深淺暗愁誰牽花月夢煙波緣待
峭帆西風吹還向蘆雪尋伊秋江鷺鸞飛釣船

滿庭芳

星齋鴨波館寫蘭圖

粉盞新調冰瓷小滌鸚聲曲彘屏遮湘絃曉語彈醒隔
簾花花也爲人寫照娉婷影笑倚窗紗消魂處畫眉纔
罷春泥鬢雲斜商量裁畫稿美人心性騷客年華有
江蘼杜若幽怨些些我亦香風翠幙深深護一寸紅芽

還輸與雕匳雙管同展玉鴉叉

買陂塘

山塘送春和補之作倒用原韻

惜春歸紗窗夢醒黃鸝接葉私語春衫幾點閒花片誰
把花心細數堤上路憶多少尋春轉被東風誤真孃墓
土問殘月香魂斜陽倩影何處舊朱戶 煙波艇載得
愁根難跡前宵猶聽春雨滿溪芳草飛胡蝶閒了畫船
簫鼓絲萬縷渾不解垂楊也自無情緒園林誰主要借
取簾陰芭蕉一角題字儻儂許

菩薩蠻

陳小松燕臺鞍馬圖

車輪無角催人去天涯如夢留人住秋色老吟鞭故衫

被八

七

青可憐 離愁芳草積我亦勞勞客記得鳳城西五更
征馬嘶

鷓鴣天

趙趙潮生人語涼煙波深處是吾鄉風搖夢去蘆花開
雨送詩來荷葉香 晨下釣晚移樁疏疏幾樹水垂楊
更攜短筇推篷坐吹起眠沙鷗一雙

眉嫵

功甫兄西湖秋柳詩卷

恁絲絲風滅葉葉霜搓秋冷段橋早卅載重回首涼蟬
外吟鞭會指斜照澹煙瘦裊似翠樓蕉萃蘇小記傳唱
弄碧吹香句倩蛩蝶憑弔 無數江潭搖落賸酒壚傷

舊鄰遂催老我亦驚秋慣君休憶天涯萍點多少閉門
賸稿伴鷺鷥題徧紅蓼問誰管春來湖上路黛眉啼

湘月 詠典籍廳黃蓼花和功甫兄作

廿年舊夢換扁舟水國搖動秋興一樣疏花還只道載
酒斜街清景芍藥分題壺盧覓種此意何人省蒙陰聽
雨那回負了詩境 蒙陰蓼花作深紫色兄嘗得其種於
珠莊酒家故元唱有疏花茅店下馬
無人省之句余於戊戌七
夕宿雨珠莊惜未見也 爲問伴月黃昏江南憶否
徧汀洲鷗影笑癡霜緘早又是簾捲西風人靜菰葉青
來蘋花白後小毳殘金冷鳳池秋色一枝補寫羅磴

金縷曲 邵伯揚南園舊蹟圖

薇入

六

芳草年年綠指迴廊殘題猶在俊游難續絕調琵琶今
已矣話雨誰燒紅燭早煙冷平泉花木三兩詞人來弔
古有寒梅一樹危闌角苔徑雪幾回刷百年壇坫追
高躅賦歸與園林景換琴尊會熟十老風流真不墜新
薦寒泉秋菊還占取湖山清福秋社詩成梁燕語道斜
陽依舊江村屋朝川畫喜重讀

冰玉風月調

葉調生所藏阮相國贈陳雲伯大令
統扇冊和順卿均相國視學杭州

一

以仿宋製院本統扇命題大令詩弟
一卽以扇贈之時號陳團扇後大令

赴繁昌

以扇付女華奴卽調生室也
大令歸道山眷屬獨謝華奴裝扇識

其顛末

調生題詩甚悽婉

似舊時明月照影秋叢露香猶裏記歷羣仙向粉廊拈
筆謝傳風流江郎才調借宮綃傳出沈瀛三生萍蓬卅
載飄零鉛澤 往事團欒不堪回首賸有秋痕付誰珍
惜黃竹開箱訝珠拋拋泪急還幸同心微雲高唱認幾行
殘墨莫惹涼颺重提佳話怕增悽惻

買陂塘

姚梅伯湘湖紀游圖和自題原韻

照煙鬢明漪如鏡此中佳勝堪指越王宮殿今何在賸
了疏紅淺紫漁唱起有詞客狂吟載酒身蓬底浪紋斜
迤問蹋月吹簫攪雲鼓瑟靈也儻來此 兩三舫六七

田衣高致頻來鷗鷺歡喜一亭涼跨湖波遠翠壓滿湖

薇八

九

秋氣秋老矣算幾輩蒹蘆贏得歸帆計迴棹重檣記畫
裏丹楓尊邊黃菊留取好詩意

曾協均笙巢

協均江西南城人道光三十年由舉人到闈官河

南道御史

金縷曲

題張春槎蜨花樓詞

見張湄蜨花樓

雅韻儕冰雪想君家煙波畫裏高風遙接柳賦蘇豪融
冷盡淡到寒花瘦蜨應不管瓊枝吹裂料得匡君新索
句愛湖山綠沁鬢眉澈心折處瓣香麩 頻年譜恨還
傷別更何堪銀箏撼冷玉壺敲缺展卷易增者舊感多

半煙沈雲滅只眼底繁華銷歇楓葉荻花江上路悵無人水面琵琶撥誰與共醉明月

鄧輔綸彌之

輔綸湖南武岡人咸豐二年由拔貢生到閣後官

浙江候補道

聲聲慢 芝田自南康來述遭亂事 見詞綜補

嗚嗚遠角瑟瑟涼颿繁華轉眼消歇鶴警易唳併作一江寒咽早時翠鈿金梳賸露星亂燐殘葉剛回首看紛紛飛濺王孫襟血是處愁堆夢疊恁錦城重來醉魂先怯婁墓荒煙迷卻滕王蛺蝶傷心墜歡難覓怕聽他

薇入

子

從頭細說歎劫恨到如今和夢喚徹

許宗衡海秋玉井山館詩餘

許宗衡原名鯤江蘇上元人咸豐三年由庶吉士散

館到閣官起居注主事

復堂日記閱許海秋玉井山房詩餘幽窈綺密名家之詞

百宜嬌 冰花

鏤玉無煙雕璫有藥連夜小池風緊欲語誰磨鏡中人笑拈得一痕菱影銷除紅泪便唾點細斂愁暈恁鴛鴦能耐宵寒夢回雙抱香冷空惆悵凌波舊印蓮瓣幾時留鞞塵猶認祇恐消磨不關開落負爾聰明心性霜

華已老願此後東風無準早猜詳流水三生上林難問

金縷曲

書余澹心板橋碑記後并敘

百字令

安孃詞曲入開天上事豔情哀乃至葛嫩

軍愁

李香賤能抗節魁蕭卯笛聽輒增悲幾類

歲在癸丑

秦淮鳴咽誰憶前塵粵寇披猖候遭今劫

時賊騎距城

不四百里候兵甫集烽火斷

然僅二句

而金陵復嚴疆嘆呼江關袁燦

徒死曰為

改歲未復嚴疆嘆呼江關袁燦

親故流亡

慨念昔游都非舊夢衣衫蝶化

樓閣薪燒

一付劫灰無從弔影桓子坐奈

傷已夫事

非同軌感無異情曼翁之招邀勝

國難忘僕

念故園亦滋慨息昔之招邀勝

侶流連景

光南部煙花東山絲竹墜權難

拾逝水不

回遑問前因空成死別奚必他

時憑弔始

為傷心之事哉仰天揜卷歌呼

薇八

三

身身因為此詞用諗詞調

別有傷心處儘消磨劫灰金粉大江東去樓閣斜陽秋

易晚嗚咽青溪如訴祇衰柳殘鷓無數龍虎雄圖悲豎

子贖遺編細載閒歌舞匹國恨哽難語年來烽火臺

城路念無端家山唱破淒涼誰主似有簫聲聞鬼哭忍

憶板橋風雨漫招恨美人黃土繞郭旌旗霜影重恐將

軍愁擊軍中鼓早哀絕子山賦

百字令

下頌臣虹橋憶柳圖并敘

金縷曲

虹橋自漁洋秋禊一時觴詠之盛甲於東

南垂二

百年猶相稱道及乎淮網蓋替海

日孤臺

俯仰盛衰吁可慨矣然而畫闌低

拍尚按

瑤簫蘭橈夜遊競擁樺燭其有攀

條繫馬倚樹聽鶻一笑春風猶見當時之
影三生流水未飄後日之花餘均斯留前
塵可溯頌臣因鄉關之思動今昔之感固
已依依入夢裊裊牽愁何況隋隄既荒蕪
墟再賦芟將似草摧已爲薪若觀崑崙之
墟無復瓊邪之種雖春不苑未秋而髮悲
夫一片飛花亂旌旗之遠色十年樹木思
樓臺之舊陰流鶯自曉莫雅如泣昔桓司
馬云樹猶如此人何以堪蓋自粵寇既東
非獨粉榆之可哀桑梓之難問也已因寫
斯圖屬爲長句爰成百字聊比四愁云爾

冶春詞句爲垂楊寫照舊時湖上司理風流渾不見但
有柳絲無恙莫惱鶯囀難憑燕問夢已隨煙盪璫簫誰
按綠陰曾記孤唱 堪奈一霎烽煙青青隔斷不與春
旗颺樹外朱樓空劫火漫對東風惆悵繫馬當年栖鴉

薇入

三

何處更向臺城望斜陽欲盡暮天惟有蒼莽

石州慢

讀青鞵汀鷺和悼琴郎詞再賦

似讀離騷那處招魂吟情消損酒邊風雨難忘愁裏鶯

花休問早歌青芻黃昏一面琵琶誰知舊曲先傳恨

演明妃出塞一曲殘月照華鐙有鶉聲隱隱 重聽芳時晚晚

板鼓淒涼落紅無定前夜斜街似夢櫻桃煙暝新詞幾

疊便教訴與何哉舊人一例同悲哽哀樂況中年驀低

徊鬢影

碧牡丹慢

臙夜

急景彫年夜來庭樹驚鷗共我愁歎夢裏江湖欲覺何

時旦飛雲一片難留凍月淒迷空憐河漢烽火鄉關
名心冷炭黃金臺上無人荒草寒煙自淩亂對滿眼
西風寥落可奈飛鴻影斷無端太息誰是同心今古茫
茫鬢蕭散何時阜帽歸來任旁人驚看

安公子

寄稼軒倚柳耆卿百六字仄十二均體

別後翻淒楚一年又到關河暮悵望江湖人不見似煙
中鷗鷺指幾片閒雲吹影過淮浦偏尺書難寫相思語
對蕭蕭窗竹疑是黃昏風雨羈宦如羈旅忍看門外
天涯路滿眼悠悠渾未解竿芳時已誤便舊日金尊玉
笛同歡聚願夢魂漫繞聽歌處歎破甑功名畢竟不如

薇入

三

歸去

西窗燭

寒月和青栳

薊門煙樹照影蒼涼曉鷗驚拍風翅茫茫千里關山白
似雪路冰河欲歸無地憶舊遊夢裏簫聲良夜懽悰如
墜和愁睡玉宇瓊樓人間天上都是尋常事便教萬
古團樂好恐耐到雞鳴也非容易忍思量金粟前身凍
合三生清泪

摸魚兒

憶揚州湖上

騫關心一灣新碧城陰鷗鷺驚起濛濛細雨春湖柳笛
罷微聞流水閒滋味憶側帽看花人在飛紅底斜陽殘

醉漸樓月初晴簾鐙乍上橋畔畫船艤空惆悵往日
朱闌獨倚冷春詞句誰記烽煙便是曾遊處夢裏歡場
未徙時無幾歎簫管淒涼廿載如彈指傷心似此恐繞
樹殘鶯尋巢舊燕同是恨難已

馬家春慢

鐙下咏水仙

裊裊亭亭盈盈脈脈不是人間顏貌佩影脩然問天女
何時飛到一例凌波微步便凡境都成蓬島任眼中冰
雪年光且拈來低笑 鐙前暗香縈繞似空煙欲散殘
月初照慘綠年華鬧紅身世不關懷抱漫道美人遲暮
竿塵劫消磨易老歎春色茫茫換骨前生能早

被入

角招

除夕與家人飲

香

隔筵燭今年事照來歷歷吾目四鄰驚爆竹舊夢幾番
心上棖觸新詞一束歎字字都成歌哭試想回黃轉綠
休憐旅宦艱難有蕭然眷屬 刺促斷齋畫粥當時況
味清景何能復黃梁猶未熟滿眼風塵何論榮辱鄉關
遙矚正烽火天南慘黷忍對尊中芳醪忽佯笑對山妻
還相祝

摸魚兒

遊東花寺同清畏

漸模黏破苔荒綠斷碑斜臥春冷門前車馬當時客迢
遞天涯難問煙欲暝竿開落尋常眼底花無準飛茵墮

灑願但遇芳時空山一覺有夢未須醒
啞然笑一片斜陽照影入門衫帽誰認
西來高閣雲陰重吹鬢東風漸緊思共
隱便看到茶蘼暗裏空消損冥鴻堪證
歎關塞茫茫江湖浩浩此意與誰省

平來南浦

春草和清畏

鴻雪掃泥痕漸好風吹來舊日青處鞵
印憶誰留垂楊外會記幾弓香霧縠蕪
漫采斷腸綠徧瀟瀟雨甚時歸去空問
訊王孫芳晨虛度樓臺一望蓬蒿竿蝴
蝶飛來闌干如故花事易消磨傷心到
門外馬蹏難駐愁長鬢短問誰忍踏天
涯路聲聲杜宇但只解催春落紅依

薇入

五

來安公子

隨園圖爲仲復題

不忍言重到小倉山翠迷臺沼花弄蔚
藍天外影

蔚藍天隨

園齋額也闌干閒了便一片隔簾月照誰
歡笑歎唬鳩慣使

春人惱六朝如夢一例滄桑何堪憑弔
漫悔經過少

竿來猶幸登臨早烽火十年喬木改夕
陽衰草曾醉聽

猿吟鶴嘯煙雲杳還想到簷鐵東風悄
落紅池館記得

分明那時春好

倚帽愁煙泊舟疑夢淒絕那知遊俊遠樹遮樓望中人

百宜嬌已西秋日雨中與西澗飲揚州湖舫

倚帽愁煙泊舟疑夢淒絕那知遊俊遠
樹遮樓望中人

香落葉滿天殘恨誰從冷處尙記得湖山春影鷺孤蓬
 點點秋聲與君宜醉休醒空惆悵酒杯易暝雲色作
 濃陰暮晴無準三月桃花一隄楊柳簫鼓當時會聽荒
 園廢句怕此後鶯聲難問趁鞦韆孤百感茫茫雨斜風整
 案海秋霓裳中序第一秋柳後闕云堪惜十年蹤
 迹莫又向隋隄凄惻臺城煙景非昔千古傷心如
 此顏色幾人能遣得看倦眼青青泪溼關河晚祇
 餘短鬢忍與亂愁織念亂憂生低徊欲絕前關欲
 去九字惜哉

薇人

美



香落葉滿天殘恨誰從冷處尙記得湖山春影鷺孤蓬
 點點秋聲與君宜醉休醒空惆悵酒杯易暝雲色作
 濃陰暮晴無準三月桃花一隄楊柳簫鼓當時會聽荒
 園廢句怕此後鶯聲難問趁鞦韆孤百感茫茫雨斜風整
 案海秋霓裳中序第一秋柳後闕云堪惜十年蹤
 迹莫又向隋隄凄惻臺城煙景非昔千古傷心如
 此顏色幾人能遣得看倦眼青青泪溼關河晚祇
 餘短鬢忍與亂愁織念亂憂生低徊欲絕前關欲
 去九字惜哉

